



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Constans Defensio, Ex S. Scriptvra, Et Vera Catholica
Doctrina, Atqve Observatione Vniuersalis Christianæ
Ecclesiæ Deliberationis de Christiana Reformatione**

Bucer, Martin

Genevae, 1613

De administratione S. Baptismatis 53

urn:nbn:de:hbz:466:1-34315

Vicesima prima Accusatio Aduersariorum.

De Administratione S. Baptismatis.

CAP. LIII.



HEC Accusatio instituta ab Aduersariis est, tantummodo propter externa signa, formamque verborum & rituum, de quibus neque Dominus, neque Apostoli vel verbum præceperunt, neque veteres S. Patres quicquam simile ordinarunt aut obseruarunt: quæque ad verè fidelem & ædificantem huius Sacrosancti Sacramenti perceptionem non faciunt, quin potius multò magis eam impediunt. Quicquid enim est essentialium rerum in pia administratione huius Sacramenti. Cuiusmodi est, vt homines ad id Christianè percipiendum benè præparentur: mysteria S. Baptismatis diligenter explicentur, omniaque quæ ad hoc à Domino ordinata sunt, in Ecclesia Dei summa cum Religione ad efficacem fidei & omnis pietatis ædificationem peragantur, hoc totum apud Aduersarios penitus peruersum est & abolitum. Singulis horis, ac quouis tempore, etiam cum infans non est in singulari discrimine vitæ, Baptismum ministrant.

Vtrum pauci an verò Christiani præsentés adsint, de eo parum curant.

Sic neque illud emendatur, quòd sæpenumero patrimi & alij homines ad Baptismum accersuntur, qui manifestis & ex communicatione meritis sceleribus sunt contaminati: quòdque communiter plurima mandana vanitas, impius risus ac iocus ibi exercentur.

Adhæc omnia dicuntur ibi peregrina & ignota lingua, impiæque festinatione signa quoque sine omni explicatione, significationis eorum vsurpantur, ita vt apud populum per se nihil aliud adferre possit, quàm vt homines omnia quæ apud Baptismum quærunt in externis verbis ac signis Sacerdotum ponant, non autem in merito & operatione Domini nostri Iesu Christi, de qua ne verbo quidem edocentur, ac sæpenumero ne Sacerdotes quidem ipsi aliquid nouerunt aut cogitant.

Hac ratione tota Baptismatis actio turpissimè peruertitur, & quicquid Dominus & Apostoli in ea ad ædificationem Ecclesiarum suarum ordinarunt, & antiqui Patres quàm fidelissimè obseruarunt, quantum ad Baptizantes & officium eorum pertinet, penitus auferitur & aboletur. Hunc Abusum Aduersarij non redarguunt, hanc abominationem ne verbo quidem attingunt, imò excusant & defendunt quantum possunt: nobis verò qui eiusmodi falsos abusos & abominationes amouere, & veram, antiquam, Christianam atque Apostolicam S. Baptismatis administrationem restituere, ac rursus in opus perducere, conamur, summis viribus obstitunt.

Nempe vt Baptismus saltem diebus Dominicis, quibus tota
Ecclesia

Ecclesia conuenire solet, & ad eiusmodi diuinas actiones, aptior est, nec non in peculiari presentia probatorum Christianorum administratur. Id quod antiquæ obseruationi consentaneum est, qua S. Baptismus bis tantum in anno, nempe in festo Paschatis & Pentecostes ministrabatur, hanc solam ob causam, vt hæc actio tantò maiore cum solennitate, ac religione populi perageretur. Huic ordinationi ex diametro repugnat, quod Baptismus omnibus temporibus atque etiam nõnunquam cum homines benè poti sunt, & vix vno aut altero presente, imò interdum talibus hominibus, qui apud nullam eiusmodi actionem tolerandi sunt, administratur.

Sic quod ordinauimus, vt omnes actiones S. Baptismatis summa reuerentia & religione tractentur, vniuersa fides Christiana quàm diligentissimè & clarissimè explicetur, huiusque sacramenti mysteria, perspicuè exponantur, quò omnium astantium, & totius Ecclesiæ fides, in Dominum nostrum Iesum Christum confirmetur ac prouehatur ad fructum pietatis, id sanè ab ipso spiritu S. in omnibus exercitiis Ecclesiasticis, præsertim verò in administratione Baptismatis requisitum est, & à S. Patribus semper hoc modo obseruatum. Quid verò huic simile apud Aduersarios circa Baptismum eorum reperitur, imò verò quid non penitus contrarium ac repugnans? Iudicium esto penes Christianos.

Atque hæc sit generalis defensio libri Reformationis, quantum ad hunc articulum pertinet.

Quò verò ad singulas quoque Aduersariorum obiectiones respondeatur, seruabimus ordinem quem ipsi instituerunt, & ad vnamquamque obiectionem suam propriam responsionem subijciemus.

Prima pars huius Accusationis.

Quomodo de nomine infantis interrogandum sit.

CAP. LIV.

RIMA accusatio est, librum Reformationis antiquam baptizandi consuetudinem in eo violasse, quod non iubet primum omnium, infante ad fores templi allato, de nomine eius interrogare.

Responsio.

IN hac Accusatione prima statim fronte vides Christiane lector, cū eiusmodi culices exiguæ mutationis Aduersarij colorare velint, quãtos verò Camelos omnimodæ peruersionis omnium eorum, quæ Dominus, Apostoli & veteres S. Patres ordinarunt, præceperunt, ac fideliter obseruarunt.

Liber enim iubet de nomine infantis interrogare, idque etiam ante